

www.BibleForChildren.org



Yahiya 14



Pa'in si Isa si me' tindegnen, "Da'a ka'am suse dem ateybi sabab me' pina'inku miya'an. Sandel ka'am si Tuhan duk sandel isab ka'am si aku. La'i si lahat Samaku Tuhanin, ekka patenna'an. Bang inin ga'i to'o ga'i ka'am akahanku."



"Pī ku manyap patenna'anbin. Manjari bang ubus ne ku magpanyap patenna'anbin, balik du ku pitu ngeddo' ka'am duk bo'ote ka'am pī si patenna'ankun duk kite bi magdambuwa' patenna'an."




Aku inin Yahiya, pungtina'ibi pegge' sali' kite bi sandel pu si Isa. Sali' isab kite bi magsandal kabinasahan matekka si me'

masumakup dem pagbaya'an Tuhanin.



Bakas pinatahala' ku dina'ak pī si pū' inēnan
Patmos, pegge' bakas magusihat ku lapal
Tuhanin duk tolo' mabennal pinakita'u

we' si Isahin.




Magtawus ku pagbaya'an we' Niyawa Tuhanin duk
niya' takiteku si surga' kursi, hātinen paningkolo'an
bangsahan, duk niya' dangan ningkolo' la'i diyata'ne.




Manjari takaleku isab magkalang kēmon bakas
pinapanjari we' Tuhan diyata' langitin duk si bulakin
duk si ahilatin duk dem tahikin.

Awe', kēmon-kēmonin bakas
pinapanjari dem alamin magkalang
siye, pa'inde, "Pudjite bi
maningkolo' si kursihin. Pudjite
bi Bili-bilihin.

Pagaddatante bi
duk pahadjete
bi iye
salama-lama,
pegge' iye
mabalakatanin."



Duk takiteku isab puweblo masutsihin, iye Awrusalam Ba'ahuhin, duwa'i amban diyalem surga', amban pana'anan Tuhanin. Minemes puweblo miya'an kuwe' dalil pangantin dende bakas pinasemmekan duk pinahāpan duk tahan kinawin ne duk pangantin lellahin.



Manjari makakale ku suwala basag missā amban kursihin. Pa'in suwalahin, "Na, kuwe'itu magdambuwa' patenna'an ne Tuhanin duk me' manusiya'in. La'i ne Tuhanin patenna' si siye duk siye ne me' a'anen. La'i ne te'ed Tuhanin patenna' si siye duk iye ne Tuhanden."



Pinakitehan isab si aku we' mala'ikatin bohe'
mangurung umul ga' tamanannen. Bohe' inin tilag
kuwe' samin duk paselluy amban kursi Tuhanin duk
Bili-bilihin, duk nelluy si mata lan puweblo miya'an.



Duk la'i si puweblo miya'an ga' niya' kagunahande si danta' ellewin atawa bulanin pegge' sahaya Tuhanin mangurung danta' si siyehin duk payita'anden Bili-bilihin.



Saguwa' ga' niya' sammal
umasek pī dem puweblo
miya'an. Ga' niya' me' a'a
maghinangan maka'iya'-iya'
atawa magdusta' umasek
pī. Luwal hadja siye
ma'umasek pī dem
puweblo miya'an
bang ēnden tasulat
dem libru suku' si
Bili-bilihin, iye libru
pangalistahan ēn me'
a'a taga umul ga'
tamanannen.



"Punasanne du kēmon bohe'
mataden. Ga'i ne a'ahin
matey-matey. Ga' ne niya'
magdukka duk magtangis duk ga'
ne niya' peddi'an. Kēmon kahalan
si dunya tagna'in lanyap ne."




Ga' niya' takasuwa' la'i dem puweblo miya'an ine-ine kamulka'an Tuhanin. La'i kursi Tuhanin duk Bili-bilihin duk la'i me' dara'akannen mudji iye. Takitede du luwe Tuhanin duk tasulat ēn Tuhanin diyata' me' lendo'de.




Manjari takiteku kēmon me' pateyin, mākanak-a'a bahi', langkew paga'anen atawa diyawa', nengge la'i paharap si kursi miya'an. Ubus bu iluka ne me' libruhin sampay libru bakas panulatan ēn me' a'a ka'urungan umul ga' tamanannen. Manjari kēmon me' pateyin hinukum ne dangan-dangan sabab bakas tahinangde ka'ellumden pegge' la'i kēmon tasulat dem me' libruhin.

Manjari sasuku ga' talista ēnnen dem libru panulatan ēn me' a'a taga umul ga' tamanannen, ilakasan isab dem ebbut meylang kuwe' luha lamewin.



Nambag Niyawa Tuhanin duk pangantin dendehein,
hātinen me' a'a suku' pu si Isahin, pa'inde, "Pitu kew."
Sine-sine makakale bissā inin subey isab magpa'in,
"Pitu kew." Pitu ka'am sine-sine ka'am lekkakan.
Nginum ka'am bohe' mangurung umulin pangurung

libri pu
sine-sine
mabaya'
nginumne.



Kinalasahan te'ed we' Tuhanin
manusiya'in, hangkan sinōngan we' ne
Anakne dambuwa'-buwa'in pinapatay,
supaya kēmon masandel si Anaknen
ga'i pasape' amban Tuhan saguwa'
ellum siye salama-lama la'i si
pana'anan Tuhanin.



Roma 3:23

Sali'-sali' kēmon kapagduse, bisan dambuwa' ga' niya'
siye tapudji we' Tuhanin.

Roma 6:23

Pegge' tumbas si me' a'a magdusehin sudda matey siye
duk tapī siye si narka'. Saguwa' lasa-lasahan Tuhanin
umul ga' niya' tamananne si surga' sabab bakas tahinang
Isa Almasi, Panuhutanten bi.

Hibrani 9:27

Manusiya'in suku'nen matey mintedde ubus bu
hukum Tuhanin ne.



Epesus 2:8,9

Pegge' sabab lasa duk ase' Tuhanin hep hangkan ka'am timbul pagsandel ne ka'am pu si Almasi. Duma'in sabab hinanganbin hangkan ka'am timbul, saguwa' lasa-lasahan Tuhan inin si ka'am. Ga'i ka'am makapagabbu, pegge' duma'in hangkan ka'am timbul sabab hinanganbi mahāpin.

Roma 10:9,10

Bang magbennal kite si me' a'a we' si Isa Almasi Panuhutanten bi duk kahagadte te'ed dem ateyte we' pinakellum iye balik we' Tuhanin amban kamateynen, na, timbul kite duk tapī kite si surga'. Pegge' bang asal kahagad kite ateyten dambūs-būs duk magbennal kite si me' a'a, inampun duk kinimatan kite bentel we' Tuhanin duk timbul kite.



Yahiya 3:16,17

Kinalasahan te'ed we' Tuhanin manusiya'in, hangkan sinōngan we' ne Anakne dambuwa'-buwa'in pinapatay, supaya kēmon masandel si Anaknen ga'i pasape' amban Tuhan saguwa' ellum siye salama-lama la'i si pana'anan Tuhanin. Pinapitu we' Tuhanin Anaknen si dunya duma'in ngalabo'an manusiya'in hukuman, saguwa' muwasan duseden.

1 Yahiya 5:11-13

Iye hep inin panaksi' Tuhanin we' ka'urunganne kite bi umul ga' tamanan, duk umul salama-lama inin ka'urungan kite sabab Anaknen. Hangkan sasuku pala'ihan Anak Tuhanin taga umul inin. Saguwa' sasuku ga'i pala'ihan Anak Tuhanin, ga' niya' umulne salama-lama. Sulatante ka'am inin supaya kabugtu'anbi we' taga umul du ka'am salama-lama. Sulat inin para si ka'am me' masandel si Anak Tuhanin.



Yahiya 14; 2 Korinto 5; Me' Pinakita'u 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Yakan NT (yka) © 2019, Wycliffe Bible Translators, Inc.
All rights reserved.

<https://www.bible.com/bible/1388/MAT.1>

©2026 Bible for Children, Inc.

www.M1914.org

www.bibleforchildren.org

